

12/08/1997

Kejayaan calon BN satu petanda baik: PM

KUALA LUMPUR, Isnin - Perdana Menteri, Datuk Seri Dr Mahathir Mohamad, menyifatkan kemenangan calon Barisan Nasional (BN) pada pilihan raya kecil Dewan Undangan Negeri Semerak sebagai satu petanda baik bagi Umno dan BN Kelantan.

Dr Mahathir, yang juga Presiden Umno, berkata beliau bersyukur dengan kemenangan BN pada pilihan raya itu.

"Ini satu petanda baik bagi Umno dan BN di Kelantan dan BN akan tunaikan janji yang dibuat kepada penduduk di kawasan itu," katanya ketika diminta mengulas kejayaan BN itu, malam ini.

Terdahulu, beliau meraikan Pengerusi Bersama Majlis Menteri-menteri Bosnia-Herzegovina, Boro Botic dan Haris Silajdzic di kediamannya di Sri Perdana.

Calon BN, Kamarudin Mohd Nor, 50, memperoleh 5,370 undi untuk menewaskan calon Pas, Wan Mohd Fauzi Wan Hussain, 37, yang mendapat 4,592 undi dan calon Angkatan Keadilan Insan Malaysia (AKIM), Mohd Din Nizam Din, 57, mendapat 27 undi.

(END)